

所不成生天生地化育群品為福惠基解厄
延壽解脫先業福廢見存形神俱妙一炁俱
清漸入无為之境性无累德與道合明萬神
歸仰群魔東形勤誦此經无不度也
玉清元始玄黃九光真經

元始天尊說十一曜大消災神呪經
爾時元始天尊在大羅天上玉京山中竊林
樹下鳴大法鼓扣大法鐘普集十方三界諸
天諸地日月星宿一切聖眾為說過去未來
一切眾善惡報應災福因緣時於座中有
一真人名曰青羅即於座起瞻仰尊顏稽首
再拜長跪而言弟子夙生慶幸得遇人天代
過天尊大慈設大法橋廣為眾生說諸因緣
今得開悟普入法門臣今下觀怨眾眾生以
何因緣四時之中橫遭刑獄一生之內疾病
纏綿或分野州縣水火災荒兵戈競起疫疾
流行臣今未悟幸望天尊特開慈潤以釋愚
蒙天尊隱几而言奇哉青羅能為眾生問諸
緣業切以怨眾眾生輪回生死沈溺愛河唯
務貪生不修正道不知有五行推運十一曜
照臨主其災福至如土火留伏金木凌犯羅
計劫逆日月薄蝕致以州縣播遷人民災難
水火蟲蝗刀兵相犯悉皆由也凡以眾生託
蔭為人皆稟陰陽造化或貴或賤或富或貧
定分雖殊災福一矣至如帝王國主后妃臣

僚係於紫微垣中各有品位五嶽四瀆乃如
分野一切人民屬於日月五星臨照吾今示
汝下觀星斗看其行度如有五星不順凌犯
宮宿照臨帝土及諸分野災難競起疫毒流
行兆民死傷速令塑繪十一曜形儀於清淨
處建立道場嚴備香花燈燭請命道士或自
持念十一曜大消災神呪經一七日二七日
或三七日修齋行道禮念懺悔即得上消天
災保鎮帝土下穰毒害以度兆民汝宜聽信
轉轉教人受持讀誦青羅真人叩頭再拜上
告
天尊伏願大慈廣為宣說是時天尊即說十
一曜大消災神呪
九星都呪
九曜順行元始徘徊華精瑩明元靈散開
流盼无窮降我光輝上投朱景解滯豁懷
得馭飛霞騰身紫微人間萬事令我先知
五星神呪
五星列照煥明五方水星却炎木德致昌
榮感消禍太白辟兵鎮星四據家國利亨

名刊玉簡 字錄帝房 乘颺扇景 飛騰太空
出入冥元 遊宴十方 五雲覆蓋 招神攝風
役使萬靈 上衛仙翁

太陽真君神呪

東望扶桑宮 稽首朝鬱儀 太陽洞明景

家冢何所思 令我拜金色 候天望英姿

皇華將玉女 臨軒降此時

太陰真君神呪

仰望顧八表 惟月孕陰精 中有太素皇

夫人駕綠輦 耀華光二極 混明照三清

懇懇求至道 五色下來迎

木星真君神呪

歲星乘木德 展轉耀東鄉 凌天姿潤澤

正色混明皇 尋花歌浩漾 擲水詠芝房

經時頻禱祝 獲福自然長

火星真君神呪

芒角森龍鳳 威光叱十方 丹罡耀五夜

朱火焰三邊 晶明符正炁 劍戟煥兵權

攬捨應滅跡 字華敢當前

金星真君神呪

太白凌清漢 騰霜耀素英 亭亭浮瑞彩
皎皎威長庚 鋒高能禦寇 色潤每降兵
推窮符曆數 合道與長生

水星真君神呪

妙哉符五炁 彷彿見辰門 嵯峨當丑位

壬癸洞靈君 分輝凝皎潔 彤鬢赴思存

仙歌將舞蹈 良久下金天

土星真君神呪

高穹符戊己 藏陸起重霄 五行尊暗耀

九土見光昭 甘石推留伏 陶甓昇汰窠

上仙垂雨露 伏地禮空搖

羅睺真君神呪

神首循黑道 冥冥超至靈 暗明期朔望

陽德晦陰精 高鎮黃磬闕 矛戟耀霜鈴

志心俟多福 稽首諷真經

計都真君神呪

處暗表陰德 豹尾鎮星宮 怒指摧山嶽

權雄曠太空 龍蛇生恠狀 變異忽昏朦

主人長壽福 穰應在恪恭

紫炁真君神呪

授制宗元帝 舍精耀紫微 陰陽乘運極
幽顯闔靈機 玉輿登廣漢 金鈴步斗飛
四宿循周度 九土尊天威

月字真君神呪

太陰光玉緯 精鬼育群生 青桂黃華輔

鬱羅保素靈 毛頭分恠狀 慧尾或潛經

舍次流災福 齋修洞杳冥

三啓頌

妙哉三洞響 家冢何鈴鈴 尋聲若元有

運之不見形 響音洞十方 聽之不聞聲

又

大道須人弘 遊心歸太空 朝禮運十方

昇度乘九龍 飄飄超三界 亦由雲中崇

又

吾師天中尊 超超无上皇 仰觀地維表

彷彿紫雲堂 巍我玄都室 但見仙人房

天尊告青羅真人曰此諸神呪若能虔心諷

誦即得星辰順度疾病消除社稷安寧人民

道泰青羅真人稽首再拜及諸仙衆聞說經

呪皆大歡喜作禮而退於是青羅真人下傳

世間推窮曆數信受奉行

元始天尊說十一曜大消災神呪經

太上洞真五星秘授經

爾時

元始天尊於大羅天上白玉京中黃金闕內承華殿上與天仙地水仙等說三元兩曜五星及羅睺計都二十八宿等真君之號而言曰吾觀見四海之內九地之人上至帝王侯伯下及飛走萬類山河分野臨照之處禍福應見不能詳辨況大地人民多造罪惡希成善因致九州靈官三元上奏罪業深重減祿促壽速歸下泉變種種形狀永居畜類今我演此真經令九地之人依法遵教獲種種福俱得延齡而宣言曰

東方木德真君主發生萬物變慘為舒如世人運忝逢遇多有福慶宜弘善以迎之其真君戴星冠躡朱履衣青霞壽鶴之衣手執玉簡懸七星金劍垂白玉環珮宜圖形供養以異花珍果淨水名香燈燭清醴虔心瞻敬至心而呪曰

木星真君 動必懷仁 憫見志願 壽我千春
西方金德真君主擎斂萬物告成功肅如世

人運忝逢遇多有災恠刑獄之咎宜弘善以迎之其真君戴星冠躡朱履衣皓鶴白霞之衣手執玉簡懸七星金劍垂白玉環珮宜圖形供養以異花珍果淨水名香燈燭清醴虔心瞻敬至心而呪曰

金星真君 禍无常準 蠢動成形 俱希舍忍
南方火德真君主長養萬物燭幽洞微如世人運忝逢遇多有災厄疾病之尤宜弘善以迎之其真君戴星冠躡朱履衣朱霞壽鶴之衣手執玉簡懸七星金劍垂白玉環珮宜圖形供養以異花珍果淨水名香燈燭清醴虔心瞻敬至心而呪曰

火星真君 主張諸惡 去邪護真 慎勿交錯
北方水德真君通利萬物含真娠靈如世人運忝逢遇多有災滯劫掠之咎宜弘善以迎之其真君戴星冠躡朱履衣玄霞壽鶴之衣手執玉簡懸七星金劍垂白玉環珮宜圖形供養以異花珍果淨水名香燈燭清醴虔心瞻敬至心而呪曰

水星真君 含育萬類 禍福不差 其功罔匿